

右飛仙騰化秘符青書白紙女先服後服通靈長命秘符

右壬癸二真秘符墨書上符青書下符常以衣半壬癸之日北向服之并書素佩身行之九年得使太玄玉女五人乘虛駕空白日昇天

後聖金闕帝君奉受太上施用曲素訣辭五行秘書寶訣即命太極左仙公鑄金為簡紫筆書文祕於九天之上大有之官玉房之內。太上以西華玉女三百人侍衛靈文幡七寶之華流五色之精金真玄映散香紫庭飛霞翳翳八會俱生光曜瓊宮煥赫玉清陰陽否而不虧履億劫而方解巨絡於衆妙威制於群靈呼魂召魄萬神槐還極微之化五行之妙真其文寶祕不得輕泄傳非其人若有至學欲單佩五行秘符者亦聽別盟而傳傳法師與弟子告齋七日弟子齋五色之繒各五十尺金鈕五雙以誓玉帝之宮師告誓度文

奉受之後不得冒濬入穢觸忤道真輕泄天文使人見聞七玄父母長閉地獄已身十苦八難萬不得仙慎而奉行

上清高上玉晨鳳臺曲素上經

正一天師清微洪百堅製作
道教學術資訊網站

上清外國放品青童內文卷上

明七

高上入國隱元內文

上清太真玉保王上相大司馬命高晨師東海玉門青華小童君受高上玉帝外國放品隱元內文其道高妙乃生於九玄之先結飛玄紫炁自然之章靈文表異煥明上清經九萬之劫刻書綠那之國靈鳥之山著東華之岫玄圃之上積石之陰流光洞曜映落太空日月映照五晨翼靈八素交帶四會結煙飛霄翳氣翳鬱虛庭金華之女玉晨之童各三百人侍衛神文天妃揚香靈風散真飛龍走獸備羅玉闕朱鳳撫翮神鸞廢玄西華宴禮萬聖朝軒以中皇元年三月一日甲子天德值合之時上相青童君清齋空山金青盟天受於高上備遊六國履涉名山周歷五嶽步諸河源五帝扶翼降致靈軒十界衆聖宴禮廣庭洞窮寥幽攬究无形流精煥光以通道太陽激電以吐成七元運霄於紫虛八景馭轡而升飛詠玉音於外國放神品以入微命五老以整位招萬真以總歸九靈齊契三景

合暉丹靈告瑞高上監映位登上相名標紫
晨身冠九色霜羅之袍佩流光曜靈洞元之
章靈寶百變之冠流鈴交落丹雲九纏金華
玉女紫晨之童各三千人侍衛君焉於是天
玄啓韻範德應真權任上化主司九天總統
天下普領萬仙生死圖籍无細不關君德高
道備逸朗玉清七元煥落五老侍靈三光俠
映九帝齊駢飛煙紫蓋玄雲空生玉姬揚音
神无羅錚龍吟鳳歌廣樂虛庭飛霄繞日流
電激精華光交灑神燭合明獨秉靈符之節
手魔命魔靈幡道遙紫雲之館徘徊青華之
房感六天於來運窮萬精於群山採後學於
金簡校青錄於諸方延萬帝於曲字講寶訣
於妙童演九玄以歷運解曲速於瞳矇撰獨
立以存真嚴四極以檢違命四司以執罰符
五帝以糾非音統无窮四垂六國五嶽名山
億兆萬真莫不成肆於青宮受事於上相也
如是寶文乃高上玄虛自然之章結飛玄紫
氣以為隱文放外國之品三十六音置六國
於五老之官行於有道飛仙之人玉音瓊朗

妙義虛微皆表上皇玄古之韻四會八達結
而成音真趣難詳其理難尋自非紫胞結絡
玉藏通解九孔納靈之人不能解其微韻通
於玉音高上重祕故口口相傳九天以左輔
執節仙都右置侍仙玉郎五方靈官各五萬
人典衛寶文玉童玉女執巾侍香玄靈紫蓋
散煙遐庭衆真交會煥朗上清如是上聖玉
帝皆以八節之日上登瓊房行禮誦音玉響
朗徹傾動九天書比之日則五星出宿七元
停暉五帝浮位萬仙臨庭千妖喪目群魔滅
精威制六國億境肅清神奇妙化不可言論
沅眇億劫而不滅大化改度而方鮮靈秀巍
巍難可名焉
若有此經皆刻簡於未生之前名題帝籍運
挺應仙或天真下降得授此文或於世因緣
遭遇經師夢嚮景應與真合靈得受玉音當
燒香寢室禮願修行詠之一遍萬真交會五
老朝形天魔伏首千妖喪精威振六國招仙
致真九年三元詣房降致雲輿飛行上清但
有是經於世不得修行精心供奉則給玉童

玉女各十二人侍衛左右營護有經者身辟
却萬灾穰伏甲兵千患萬害不敢妄干五帝
防衛剋得下仙或尸變輪轉昇入靈房但不
得受於玉虛之任遊三清之中耳
六國品銘三十六首
天地五方皆有制御剛柔之色使不得落其
地深二十億萬里得潤澤潤澤下二十億萬
里得金粟澤金粟澤下二十億萬里得金剛
鐵澤金剛鐵澤深入二十億萬里得水澤水
澤下八十億萬里得大風澤大風澤下五百
二十億萬里網維天地制使不陷如今日月
星辰為風所持也學者不知地下之境潤色
深淺則五帝不過兆身於外國之境也
東方弗于逮九萬里之外極豪採之墟其國
音名呵羅提之國國地形正負土色如碧脂
之鮮无有山阜廣狹九十萬里其國人形長
二丈壽四百歲國有六音之銘是高上始氣
置於外國胡老之品高上常吟歌其音以化
胡老之人令知外國有不死之教如其國人
皆行禮而誦其音是得四百歲之壽无有中

夫之命上學之士知外國地色常吟詠六品之音者則致胡老仙官衛兆之身九年自然得遊呵羅提之國與胡老交言變化飛空遊行東極之境也

東方呵羅提國

第一品銘  音曰擅阿夷提那維

第二品銘  音曰越家摩須雲持

第三品銘  音曰曇真釋遮緣陀

第四品銘  音曰誥波君運烏紫

第五品銘  音曰錫晉靈法婆願

第六品銘  音曰舍梨定曲泥臺

東方呵羅提之國放六品之音置胡老之號知者壽與天地齊齡修行其道則致外國仙官來衛兆身當以太歲本命八節之日青書六品銘服一通東向叩齒九道吟詠六品六編畢瞑目安身定神棄諸畢念思存東方无

極无窮之境呵羅提之國洞達了然存胡老仙官無數衆皆來朝已行禮誦外國之音便微祝曰

天地開境八達朗清洞觀无窮外國之名放品化音結氣成靈招仙致真億萬齊并逆究

玄微監映无形上下嚮應内外肅清碧霞飛輪來輔我形運我上昇北謁玉京畢咽氣九

過止此高上放外國之品神仙上法行之九年則致仙官通靈察微與神交言飛空騰虛白日昇天

白曰昇天

南方閻浮利三十萬里之外極洞陽之野其國音則銘伊沙他之國國地平博无有高下


土色如丹廣狹八十一萬里其國人皆形長二丈四尺壽三百六十歲國有六音之銘是

高上置於外國越老之品高上常吟歌其音以化越老之人令知其國有不死之教如其

國人皆行禮而誦其音是得三百六十歲之壽无有中夫之命學者知外國地色常吟詠

六品之音者則致仙官衛兆之身九年自然得遊伊沙他之國與越老交言變化朱宮飛

行南陽之境也南方伊沙他國

第一品銘  音曰難維那薛漢羅

第二品銘  音曰相摩羅壽藍波

第三品銘  音曰樂鄧勒育明沙

第四品銘  音曰迴素劫起飛陀

第五品銘  音曰根植遂百无和

第六品銘  音曰盈冲都玄鏡車

南方伊沙他之國放六品之音置越老之號知者壽與天地同年修行其道則致外國飛


仙之官來衛兆身當以太歲本命八節之日朱書六品之銘入室南向而服之叩齒九通

吟詠六音六遍畢瞑目安神定氣棄諸異念存思南方无極无窮之境洞達朗然存越老

仙官無數衆來朝已身便微呪曰


高靈垂映散化朱宮流音六品結成丹容群

行南陽之境也南方伊沙他國

第一品銘  音曰難維那薛漢羅


仙來朝與真命雙洞觀八朗目觀華房分景
上清出青入黃五色流精為我明光得遊六
國上造玉堂受仙法服飛青羽裳流金交帶
鳳文紫章與帝同真耀形玉京畢咽氣九過
止行之九年則致南方越老仙官來衛侍形
察幽洞虛與神共言降致飛雲玄龍來迎

西方俱那邑七十萬里之外極皓素之壘其
國音則銘尼維羅綠那之國國地形多高壘
與天西關相接土色白如玉廣狹六十八萬
里其國人形長一丈六尺壽六百年國有六
音之銘是為高上置於外國氏老之品高上帝
吟歌其音以化氏老之人令知其國有不死
之教如其國人皆行禮誦詠其音是得壽六
百之年无有中天之命學者知外國地色常
吟詠修行自有氏老仙官衛兆之身九年自
然得遊尼維羅綠那之國與氏老仙官交言
能飛行玄虛遊戲皓素之壘也
西方綠那之國

第一品銘  音曰阿森呵根

第二品銘  音曰金羅國迦摩

第三品銘  音曰婆婁泥梵寶真

第四品銘  音曰離奎提籃婆臻

第五品銘  音曰世芬那茂綠晨

第六品銘  音曰提握沙入華田

西方尼維羅綠那之國放六品之音以置氏
老之號知者壽與日月同光修行其道則致
外國飛仙之官來衛兆身當以太歲本命八
節之日白書六品之銘入室正西向服之叩
齒九通吟詠六音六遍畢瞑目安神定志棄
諸外想思存西方无極无窮之境洞達了然
存氏老仙官无數來朝己身便微呪曰

天音微靈虛微命神王國六分命一為真混
化外國放品怡仙高靈曲映我得自然乘空
飛騰落景龍軒遊眇无方玄登五晨與氣齊
暉命司高騫億兆劫運永保長存畢咽氣九
過止行此九年則致西方氏老仙官來衛兆

身逆觀未然與真通靈降致青翹飛上玉清
北方鬱單五十萬里之外極朔陰之庭其國
音則銘旬他羅之國國地長流平瀆土色黑
潤廣狹五十八萬里其國人形長一丈二尺
壽三百歲國有六音之銘是為高上置於外國
羌老之品高上帝吟歌其音以化羌老之人
令知其國有不死之教如其國人皆行禮而
誦詠其音者是得三百年壽无有中天之命
學者知外國地色常吟詠修行則致羌老仙
官衛兆之身九年自然得遊旬他羅之國與
羌老交言飛行玄虛遊宴朔陰之庭也
北方旬他羅之國

第一品銘  音曰幽羅鬱頭阿

第二品銘  音曰幽真釋維光那

第三品銘  音曰鬱定翁世和

第四品銘  音曰陰夜寶開錄沙

第五品銘  音曰法光景量國羅

第六品銘音曰波密維遮迦訶

北方句他羅之國放六品之音以置羌老之號知者壽同七元之靈修行其道則致外國仙官來朝當以太歲本命八節之日黑書六品之銘入室北向服之叩齒九通吟詠六音六通畢瞑目安神定志棄諸外想思存此方无極无窮之境洞達明朗存羌老仙官无數衆來朝已身便微呪曰
北鬱結羅七元吐精放品齋氣六國置名羌老彌純法化受靈高仙命章我禀无形氣氣兼行洞朝八冥飛仙來朝翁萬紫庭雲輿羽蓋綠霞丹輶致我上昇以造玉清畢咽氣九過止行此九年則致北方羌老仙官來衛此身遂寔幽窮盡觀未然之事與真通靈飛行

玄虛上昇紫宸

上方九天之上清陽虛空之内无色无象无形无影空洞之銘元精青沌自然之國以青炁為世芬上極无窮四覆諸天則高上玉皇萬聖帝真受生之根无壽无量惟劫為年其

空洞之内亦有六音之銘則元始置於真皇自然之品高上吟歌其音其音以延群仙令知玄空有無量之真如其國玉皇萬帝皆禮音吟詠是得无量之壽學者知空洞之色吟詠修行則致三元下降五帝詣房授兆靈音九年則得來虛駕浮上造玉清太空之中也上方元精青沌自然之國

第一品銘音曰瓊瑤芬錄定音

第二品銘音曰鳳雲蘭丹寶林

第三品銘音曰香量光洞紫森

第四品銘音曰綠那境入空瓊

第五品銘音曰呵阿房薛胡軒

第六品銘音曰七曜氣飛元青

上方元精青沌自然之國放六品之音以標上清玉帝之真知者飛行玉虛萬仙來朝當以本命太歲八節之日青書六品之銘入室

向太歲服之叩齒九通吟詠六音六通畢瞑目安神定志棄諸想念思存无上之上清陽太空之内无色无象无形无影空洞之中洞達朗徹青氣鬱鬱下冠兆身便微呪曰
元始自然青陽鬱冥玄化空洞无量无形結氣疑國芬世為名總覆諸天普植萬靈雲房


金羅峩我上清六品放位標題元精玉音徹微玄響朗瓊吟詠發出帝真臨庭曲映垂條我享上靈與天齊位三景合明永保太空隨劫无傾畢咽氣九過止行此九年則三元下降授兆真音飛霞丹輶給兆之身飛行大洞上昇玉清高上秘法自无金名紫簡綠字上清不得行此道有者妄泄示人殃及七祖獲考三官已身亡命元復仙冀依科明慎奉焉中國直下極大風澤去地五百二十億萬里


剛維地源制使不落土色如金之精中國音則銘太和寶真无量之國中嶽崑崙即據其中央諸天之别名上有玄圖七寶珠宮與天交端上真飛仙之館中國周迴百二十億萬里其國人形長九尺皆學導引之術壽一千

二百歲國有六音之銘是髙上置於中國之品髙上玉皇帝君悉吟詠其音以化中國僉老之人令知其國有不死之教如其國人皆修上清之道行禮誦詠是得壽一千二百歲无有橫夭之年學者知中國地色吟詠修行則僉老仙官衛兆之身九年自然與僉老交言身登太空飛行上清


太和寶真无量之國


第一品銘  音曰定世陰結紫和

第二品銘  音曰中寶珠若來華

第三品銘  音曰廣原綠理雲阿

第四品銘  音曰條瓊芬晉世羅

第五品銘  音曰洞靈音解世陀

第六品銘  音曰金根寶朱陽婆
太和寶真無量之國放六品之音以置僉老之號知者壽同天地修行其道致僉老仙官

來朝己身當以太歲本命八節之日黃書六品之銘入室向本命服之叩齒九通吟詠六國之音六遍畢瞑目安神定志棄諸想念存思中國極下大風澤入地五百二十億萬里之淵朗達分明僉老仙官无數衆來朝己身便祝曰

中原總真萬帝玄靈九天垂典結氣凝精太黃浩浩億丈之庭中國放品分音六名玉嚮朗空徹微入清流真敷布陶育我形變化太和寶真利貞下洞无淵上昇玉清畢咽氣九過止行此九年真人下降授兆真音得與僉老仙官交言乘空飛虛上昇帝最高上置六國品銘化為三十六音元始之初金鉞刻書其文各置一國今悉封於國境或封名山五嶽之洞如中國之音即對玄圃積石之陰如此神文皆各以紫晨玉童太華玉女各三百人侍衛典香舊科萬劫當行下世授於上真人自无金名帝簡綠字玉清不得此文得受六國放品之音便得遊行无窮洞達六國之中上天入淵變化萬方履五嶽遊名山則

胡越氏羌僉老仙官管衛送迎群魔伏首兵凶滅亡周流六國適意所從誦之萬遍三元諸房降致綠鞞飛昇玉晨

此髙上自然之文上相撰飛玄紫氣之字以雌黃書碧瓊佩身遊五嶽入三清制群魔御萬靈威六國伏五兵行之九年真人詣庭能飛乘虛上造太清

青童君曰上帝玉真及五嶽上仙皆服文而詠音佩身而修真學无此文則不得遊名山制六國却甲兵五老之官不衛身形為學之本當勤行五嶽尋受此文靈威告應自得道真髙上妙法雖不學而仙也

青童君受髙上入六國內文後學欲遊名山之五嶽入六國致群仙制萬魔伏五兵當受五帝交音內文佩之六年得與六國仙官交言自明三十六國之音也黃帝受隱元三行霸天下通神明役鬼神制萬靈夏禹受交音三行使天下鬼神稟吉凶知宿命得補靈仙曾玄受青洞文三行匡五龍遊雲宮安陽受九靈音三行登帝堂位加仙王赤精受寶真

文位登四極出入三清王喬受苞元隱籙三
行身登上真總領衆仙出入華房高上於玄
圖西龍金華之宮以化靈總衆內文以授上
相青童君

秀 鬚 鬚 鬚 鬚
翬 翬 翬 翬 翬
翬 翬 翬 翬 翬
翬 翬 翬 翬 翬
翬 翬 翬 翬 翬
翬 翬 翬 翬 翬

東濛隱文真書三行雌黃書碧繒上佩身則
得遊行東方呵羅提之國制群靈斬天魔伏
五兵遊名山胡老扶迎自知六國之音與神
交言

走 彊 弱 彊 弱
翬 翬 翬 翬 翬
翬 翬 翬 翬 翬
翬 翬 翬 翬 翬
翬 翬 翬 翬 翬
翬 翬 翬 翬 翬

南方交音內文三行雌黃書碧繒上佩身則
得遊伊沙他之國制群靈斬天魔伏五兵遊
名山越老之官扶將送迎自知六國之音與
神共言

翬 翬 翬 翬 翬
翬 翬 翬 翬 翬
翬 翬 翬 翬 翬
翬 翬 翬 翬 翬
翬 翬 翬 翬 翬
翬 翬 翬 翬 翬

西混青洞隱元內文三行雌黃書碧緙上佩
身則遊入尼維羅綠那之國制群靈斬天魔
伏五兵出玄路入三清遊名山氏老扶迎自
知六國之音與神人共言

明七 十六

聖 爾 赫 赫 赫 赫
為 弱 彌 壽 壽
聖 爾 赫 赫 赫 赫
聖 爾 赫 赫 赫 赫
聖 爾 赫 赫 赫 赫
聖 爾 赫 赫 赫 赫

北九靈金光音三行雌黃書碧緙上佩身則
得入旬他羅之國制群靈斬天魔伏五兵登
廣寒謁此精遊名山晃老扶迎自知六國之
音與神人交言

明七 十七

爾 爾 爾 爾 爾 爾
爾 爾 爾 爾 爾 爾
爾 爾 爾 爾 爾 爾
爾 爾 爾 爾 爾 爾
爾 爾 爾 爾 爾 爾
爾 爾 爾 爾 爾 爾

上清陽苞元隱錄內文三行雌黃書碧緙上
佩身則得上遊元精青池自然之國制群靈
斬天魔伏五兵步空天昇玉清遊名山萬真
扶迎自然知六國之音與神共言

明七 十八

聖 爾 赫 赫 赫 赫
爾 爾 爾 爾 爾 爾
爾 爾 爾 爾 爾 爾
爾 爾 爾 爾 爾 爾
爾 爾 爾 爾 爾 爾
爾 爾 爾 爾 爾 爾

中化靈總真衆內文三行雌黃書碧繒上佩身則得遊涉太和寶真无量之國制群靈斬天魔伏五兵入洞淵昇玄冥戲此元謁紫庭遊名山則五老扶迎自然知六國之音與神共言

高上入六國內隱真文授於上相青童君雌黃書碧繒佩身項生寶光映照十天役使玉童玉女各三十六人遊行五嶽涉諸名山入六國履河源所在群仙五方之官皆來稽首緣界司迎制萬魔御千靈威六國伏五兵變化无方隨意所從降致飛輪丹霄紫輦來迎我身上昇東華青宮位登上相總領萬真其道高妙帝君寶文高上今以其文刻書人鳥著之於蓬萊之岫玄圃之上積石之陰高玄羽童華光交煥映曜太空紫煙重塵文采洞解舊科萬劫當傳已成真人有得其文位加仙卿能周流六國與五老交言洞達玄虛駢策萬靈自无玉骨刻名紫簡於未生之前不得此文得者不學亦為中仙輕泄寶音七祖充責運山負石萬劫不原已身嬰見世風刀

之考死入地獄不得又仙佩此文遊行六國履涉五嶽歷諸名山至其界首當先叩齒三十六通閉氣三十六息呪曰

玉真徘徊雲駕昂昂是日上吉龍飛鳳翔列

行羽儀四道開張六師啓導十界來迎仙童執幡玉女散香五老稽首翼翼洋洋日月交帶靈仙扶將履歷六國周流四鄉四瀆五嶽為我橋梁帝君使令掃除不祥諸所之造靡不吉良神奇異方仙練內昌外國洞朗上造玉京畢引氣三十六咽止此上相出遊威神大呪行之制六國伏萬靈致仙官來朝形變化无方上昇太清

受者對齋七日或三十日於齋中齋青紋之繒三十二尺金魚玉龍各一枚金鑲九雙上金五兩以代割髮裂帛之誓師北向告盟而傳弟子奉受依四極之科欽慎禁戒察而奉行

上清太真玉保玉上相大司馬命萬晨師東海玉門青華小童君受於高上玉帝以傳四

極真人部以五帝神兵罰於漏泄愆盟負誓七祖充責已身亡命三徒五苦萬劫不原也

上清外國放品青童內文卷上

明七

千